



Ministarstvo dijaspore

Br:

02.decembar 2024.godine

Za: Arhiva Generalnog sekretarijata Vlade, Vlada Crne Gore

Predmet: Izvještaj o posjeti ministra dijaspore Mirsada Azemovića Bosni i Hercegovini, 25-27. novembar 2024. godine

Destinacija: Sarajevo, Bosna i Hercegovina

Delegaciju predvodio: ministar dijaspore Mirsad Azemović

Članovi delegacije:

- 1) Adel Omeragić, državni sekretar
- 2) Alen Mujević, savjetnik
- 3) Tonko Nišavić, samostalni referent

Delegacija Ministarstva dijaspore, predvođena ministrom Mirsadam Azemovićem, u periodu od 25. do 27. novembra 2024. godine boravila je u zvaničnoj posjeti Bosni i Hercegovini, na poziv ministra za ljudska prava i izbjeglice BiH Sevlida Hurtića.

Na sastanku je razgovarano o jačanju odnosa između dvije države kroz povezivanje dijaspore Bosne i Hercegovine i Crne Gore. Ministar Azemović je istakao važnost umrežavanja i zajedničkog rada na jačanju uloge dijaspore u društvenom, ekonomskom i kulturnom životu obje države.

Delegacija Ministarstva dijaspore tokom posjete Sarajevu susrela se sa savjetnikom za dijasporu člana Predsjedništva BiH Denisa Bećirovića - Mehmedom Parganom, gdje je dogovorena još snažnija saradnja na polju povezivanja dijaspore, kao i sa načelnikom Opštine Stari Grad Sarajevo Irfanom Čengićem.

Na marginama događaja, delegacija Ministarstva dijaspore susrela se sa predstavnicima udruženja dijaspore u Bosni i Hercegovini. Održani su sastanci sa predstavnicima Udruženja građana porijeklom iz Sandžaka, Vijećem crnogorske nacionalne manjine, Udruženjem Pljevljaka i prijatelja Pljevljaka u BiH, kao i sa Zavičajnim udruženjem Plavljana i Gusinjana u Sarajevu.

Ministar Azemović je prenio poruke podrške predstavnicima udruženja dijaspore na polju očuvanja identiteta, kulture i tradicije. Istakao je da je dijaspora jedan od najvažnijih stubova države Crne Gore, uz napomenu da su brojni ljudi porijeklom iz Crne Gore prepoznati kao ugledni biznismeni i akademski građani u BiH.

Delegacija Ministarstva dijaspore prisustvovala je svečanoj akademiji povodom Dana Sandžaka i Dana državnosti Bosne i Hercegovine u organizaciji Udruženja građana porijeklom iz Sandžaka.